

四庫全書

集部

欽定四庫全書

御製詩三集卷九十四

古今體一百三十七首

辛卯二

祈穀齋居

齋必坐居遷仍於左个焉

齋宮在乾清宮左

新正政方簡首

祭意彌虔冬澤雖云被春膏亟欲連同雲時聚散顒望
又殷然

詠漢玉檀栢如意

漢玉香檀接柄長兩端仍漢玉為相居今慕古思恒永
得一含三趣可詳荷葉綴頭似芝朶辟邪承趾足徵祥
期如意豈易如意難是屢綏萬寶穰

銅印詩

有序

定邊左副將軍成袞扎布奏進銅印一云巡卡台
吉於額爾遜特斯地鄂博間得之印方得三寸有
十分寸之一厚十分寸之五三臺遞上各減二分
有半上臺方二寸有十分寸之六直紐高寸有十

分寸之七縱寸有十分寸之三橫十分寸之六其
末微斂縱減分之二橫半之通印之高二寸有十
分寸之七重六十九兩文曰太尉之印蒙古篆八
疊文覆首右署太尉之印左署宣光元年十一月
日中書禮部造凡十有七字皆漢文考之則元昭
宗嗣位和林時所鑄也

昭宗即元順帝太子阿育
師利達拉史舊作愛猷識

理達臘今譯
改事詳詩注

元太尉官位尚書右丞相上秩正一

品不常置印制無考宣光年號史亦不載乃今四

百餘年忽得此於新屯塹壤中登之冊府物之顯
晦以時誠有定數且因此而得考北元之紀年官
制不終湮沒無傳足以補正史之闕蓋亦有莫之
為而為者乎因叙其事而系以詩

厄魯久蕩平屯田闢耕暇掘土得銅印將軍呈京闕文
曰太尉印宣光年頒發正史雖無考彝尊朱集可掇其

書高麗後昭宗年號揭

高麗史載元順帝子嗣立徙和林遣使至高麗行宣光年號國

人不允尋復告紀年天元辛禍遣人往賀立十一
年而殂謚曰昭宗云云見朱彝尊集書高麗史後數百

歲月湮隱現有時節北元國未亡南宋難同列

元自順帝出居

應昌即稱北元傳及昭宗紀年命官典章猶備視宋末
二王之流離海島者不可同日而語乃宋史於是曷具
載年號而元史則順帝北遷以後即不復書其世
系偏袒不公殊乖信史向於通鑑輯覽曾論定之
南人

率左袒正論誰衷折謙益

錢

瀛國公其事益瞽說

明宗北狩

過阿爾斯蘭地納霍勒祿魯氏生順帝史文甚明及文
宗下詔謂順帝非明宗子本嫉怨構誣之辭風影無據
錢謙益遂謂順帝為瀛國公子明宗乞養之并携其母
以歸詭誕不經顯興史戾紀載家任情毀譽大都不足
深信似此逞私肆詆則悖妄尤甚然謙益大節
已隱其人不不足齒於人類其邪說更安足論乎

詣齋宮作

葩瑤旃旌玉輦行農占恰值穀朝晴却因冬雪非優渥
仍望春雲需瑞霽

年年躬

祭敬誠申忽作六旬有一人依例遣官視

籩豆欲留餘力肅

明禋

向詣齋宮謁
禮亦每親行之茲

神位拈香瞻拜後視
以年踰六旬依例遣官行禮

籩豆之

萬幾神運非繁簡五夜心清凜旦明雖是無時不用敬
於斯敬實倍常情

祈穀禮成述事

大祀躬承卅六番民

天國本重根源歲符竊企秋金穰日值猶殷稼穡爰

是日

辛亥
屬土

拂曙瑤窓光旭昫升煙寶鼎氣紛縕春來麥隴無

存雪時玉虔祈早

霈恩

新正恭奉

皇太后幸圓明園即事有詠

豫節春園好涓辰侍

大安肇稱

八表慶願奉

萬年歡

康健心中喜曾元

膝下看微憐寸陰速新月又將團

題敦素堂

冰池近砌前俯仰玉壺天一例月澄魄何須風漾漣遠

村鳴竹爆萬姓慶華年亦有紗鐙綴碩名覺慙然

虛明室

人言虛故致生明是否斯之未易評試問玻瓈及銅鏡
寧因空洞照形呈

養素書屋

素為繪畫先禮居忠信後商可與言詩納約必因牖素
亦貴存養養非由外取克己仁自歸去蔽明斯受即境
會書意不知有合否

抱樸草堂口號

草堂築以念民窮茅葺竹編宛樸風入屋原看陳綈几
惡思貧巷可能同

適性居

性固圖其適相近貴得正性亦不圖適習遠斯為病近
則天理現遠乃人欲競詎其安逸恣而忘敬義勝題居
當銘盤時時用自鏡

澹存齋

雖是羣雍候向暄芳菲景尚勒春園芸齋却識先天意
一卷義經澹以存

恒春圃

始和萬物被韶華即景恒春特地嘉四壁有詩皆似畫
一年無日不看花庭前未雨常含潤戶外雖風那用遮
設使女夷當問道魏夫人住此為家

芥舟

杯水坳堂芥作舟問誰能以此乘浮今來冰凝

去聲

芥亦

膠

去聲

可復於杯相傲不

澹然書屋

階基臨方池几席近止水澹然名固稱

去聲

最稱惟冰矣

中無藻荇橫上鮮波瀾起澄非外所資澈若直到底彼門如市人焉得謬託此

題惲壽平山水花卉合冊

新水鷺羣

新水平沙嫩草青鷺羣分隊伴蘭亭山陰道士甫相

贈應是書完道德經

古木寒鴉

古樹淡煙籠簇攢晚鴉飛集意相安居然入畫巨然景

此幅自題摹巨然
古木寒鴉圖意

何必無枝歎阿瞞

國香春霽

幽谷無人鳥不喧蘭叢蝴蝶一隻翻畫家解作龍門傳

去聲彷彿莊周晤屈原

喬柯急澗

喬柯嶮壑臨急澗澗水鐘籠漱趾哀設使不經裁作笛
即今誰識馬融才

紅白牡丹

白如素練體勝

平聲

紅似頰顏酒中

去聲

微設使嬈嫵覓

相匹趙飛燕瘦太真肥

夜雨初霽

綿雨溪村夜正賒輕煙水閣曉猶遮瀟湘欲霽依稀是

不辨方家與米家

見詩平白題語

出水芙蓉

初發芙蓉出水鮮
纖塵不染淨而娟
設方明遠評詩語
應致延年愧自然

秋英耐寒

露玉風金景已淒
秋英耐可燦高低
微嫌五色錯如錦
陶令能無目欲迷

紅霞秋霽

丹楓綠樹艷秋光
背郭何人築草堂
寥廓偏宜縱遙目

落霞天際遠滄茫

溪山行旅

參天石壁下臨澗棧道盤旋榮寒驢可識溪山纔半幅

淒涼旅况貌無餘

壽平自識摹
北苑半幅圖

和闐玉石子如意

和闐玉子如芝朶土氣千年鬱芭裏底須琢磨命玉人
何以柄之用筠筭天然蒸栗湔黃雲虛說佳城出牧火
比似白圭玷則無捫舌功資奚不可

新正萬壽山

鐙節還餘幾日賒
乘閒山色攬韶嘉
後凋綠蔚老松鬣
向暖青披嫩草芽
解凍湖心遙作浪
勒寒冰齒近依涯
華缸綴屋從無賞
不卜夜遊已覺奢

樂壽堂

面水樂宗知背山
壽體仁無多數月別

自去歲秋蒐即未至此

又

是一年春流景云何速
韶光已向新建炎名偶似希
事不希人不希人

樂壽堂題名已久義實取祝

釐茲得董其昌論古帖真蹟冊載宋高宗書有樂壽老
人之稱是倦勤之後託志取名自無不可近題淳化
軒亦微寓其意然所希於彼者惟此一節而其人其
政實有不足希者故並及之

道存齋

俶春入室韶將鬯積素含冰融帶痕詩憶絳州有佳句
蓬瀛近以道斯存

玉瀾堂

西窓糊玻瓈全湖俯几席已開者波溶尚凍者雪積凝
靜與流動寓妙各適適冰水兩不知於何辨堅白禦寇
猶曉曉故知為物役

長春書屋口號

書廬到處額長春此日名和實逼真箇裏若尋切已句
亦云元善勉依仁

題無盡意軒

暇趁上元前山光淑向宣疇咨理章奏軒榭憩留連
曠景猶待題楣義可研欲知無盡趣原在未形先

對鷗舫

雁尚待春來鷗有經冬住湖寬不凍處託此弗能去
溪亭名曰舫恒挹滄浪趣野鷗四時對適然任翔翥無心
與有心那更介其慮

邵窩

百泉昔曾津逮

邵子安樂窩在
百泉蘇門山

山水此處頗如何必千

林張王

二字皆去聲

且喜一室含虛默
驗乾德不息靜知春

意來徐彷彿當年康節皇極經世著書

石舫三首

山東問景到山西
舒疊韶光逐處題
湖裏漾舟斯未可
雅欣石舫艤長溪

非舫坐中原是舫開蓬正
爾眇滄浪因之一晌生清會
名實從來曷有常

冰開亦祇依隄住
湖漲何曾慮底深
漫道尋常艱動轉

箇中原泯去來心

清可軒

山陰有佳處況是路恒經望若棲巖壁到原具戶庭三
春節先報四季草常青底事坐因久欣於悅性靈

構虛軒

一伏山還一起崇構巔軒榭接虛空訝堪星宿攀捫際
恰與春光醞釀同無色階前漸草綠有心盆裏逮梅紅
清遊半晌詩數首可以言旋日欲中

題方琮四時山水畫

春

觸目意新閭韶光已可人
擔盤挈奴子連騎共嘉賓
作碓暖烘黛太湖新漾淪
石橋名實副真不負行春

圖寫吳中

行春橋

大意

夏

暄暑於何好溪亭俯淨蓮
主人如茂叔坐客定伊川
澗論寧披帙閒居且繫船
風來知欲雨雲重那峯邊

秋

凜秋切旅情水驛復山程豈不懷蕭瑟無非為利名葉
林辭夏意澗瀑入寒聲雲外禪關掩閑僧悟淨明

冬

噴珠千澗凍削玉萬峯稠沽酒孱童去待糧瘦鶴留無
妨老梅發依舊暗香浮為問窓中客逋仙可以不

上元前夕小宴親藩有作

慶節行時沿舊典今年頗覺弗相應仍看屏翰嘉筵集

難屏^{上聲}笙歌初社承大地迴春福如海層樓掛月玉為

繩無端懶聽塤箎奏樂以忘情故未能

上元鐙詞

幾縷纔看碧宇皴晚來又復淨魚鱗不欣天上雲讓月
祇惜田間雪待春

韶律棣通春始孟璇霄澹蕩月初圓西樓今歲殊常勝
聖母八旬大慶年

踏鐙此夜同民樂塙外人家簫鼓聞却憶畿南曾被潦

煙村景象可能然

番樂回嬉各別曹
架燃翠火綴蒲萄亦堪即景酬嘉夜

奚用鐙輪廿丈高

西山高正座前對源水長從檻外流

是處名山高水長
圓明園四十景之

一園中諸湖皆自
此樓前長溪流注

萬歲承歡增寶錄
上元佳景萃瓊樓

不夜輝煌映玉魄
恒春藍靑艷金花慶煙飛上虛空住

猶作赤城一片霞

一點燦星暗裏流千葩萬卉燦穠稠飛仙慣注金光箭
箇箇來添祝

壽壽

色色聲聲刹刹塵砰輶竹爆發金輪肖翹蟄戶知將啓

借得春雷早半旬

是月二十
日驚蟄

上元後一日小宴廷臣疊去歲詩韻

園庭亦有正衙在

聖藻訓遺高額簷

御園正殿正大光明扁額
皇考御書也

願此垂衣彌

益敬賴諸補袞詎惟廉雖云聯席歌湛露却對長空盼
撒鹽頗覺年來綺語富祇緣言志想無嫌

時因斯數

上聲

節斯探豈是無端宴賞貪都大田蠶祈歲

稔侵尋風物報陽覃幕思前度滯歸轡

上年正月經略大學士傳恒征

緬班師行次滇省會城故元韻紀事有元臣獨離隔滇南之句然今物故矣惜何如之

那忘

去聲常

年欣賜柑羊祐韋丹盡忠盡故應遺惜致樊南

詠桃竹如意

勁節龍頭矯細文鳳尾敷琢章相白玉挺質勝珊瑚底

是偷閑匣還嗤打唾壺獨思贈僧紹未必肯輕俞

題張鵬翀山水冊

衆瀑爭鳴

過雨飛泉萬派垂
翕純皦繹各兼之
恰如張樂洞庭上
正是八音繁會時

礧戶流雲

豎峯橫嶺蔚重重
礧戶常開雲為去聲封
便有癡心學仙

者可能容易許相逢

峭壁淙泉

石壁礮礮泉漱趾由來水到自成渠却思緜几論文日
速就伊人趣頗如

雙峯鏤翠

城闕據勝驛程連排闥雙峰鎖翠煙大似常年行獼蹕
南天門嶺曉秋天

雲巖古剎

背峙崦峴峯萬仞崇雲封磴戶鮮人通空林結宇習禪寂

駐錫應知是義公

村闌煙霽

晴嵐山市晃秋暉
八景瀟湘是也非
阿那雲深樵徑細
村人疑有赴墟歸

水石潺湲

泉奔澗恐去無留
亂石抵之左右流
一笠孤亭煙嶼上
幾多文思箇中求

崦野迴谿

山勢一環復一抱村居時密又時疎雞鳴狗吠相聞處
渾樸風猶太古初

石梁探勝

絕頂神仙不可招流霞滃護赤城標考功恍入天台路
策杖居然過石橋

層巒秋綯

疊樹傑池霜染紅高低間

去聲

出梵王宮捲巖一夜西風

落付與闌黎悟色空

堯亭納遠

山亭四柱倚欽寄蘿辟蒙茸磴道披峻嶺似遮人望遠
登臨那畔攬無遺

浮嵐罨秀

山外白雲雲外山寺樓容望不容攀詩情畫意同時證
祇在虛無縹渺間

新正含經堂

璿璣運四時環轉無終始書堂曰含經枕經亦昨史易

曰觀乎文文之義遠矣詎惟御蘭芬要欲窮道旨觸景
會於何善長上聲乾元是

淳化軒

中矩折旋廊路循略經脩飾境如新壁間帖版待精刻

軒廊將以重刻淳化間帖石版嵌壁緣摹鏤
務在精審今尚未訖工而軒廊則早成矣座側芸編

已畢陳鼎柏氤氲噴瑞霧盆梅馥郁粲韶春綵鐙應節
飄蕭綴無易由言化致淳

理心樓口號

一二日間有萬幾易云幾者動之微理心設不於斯會
反致憧憧失所依

新賞室

砌暖潤融凍窓虛朗受曦陽春欣有脚天地奉無私庭
勒欲舒葉盆烘將放蕤從新賞景物却復始於斯

再題安瀾園十詠

荈經館

閒館明窓靜且便展芸編足致精研固因績學緬李揆

却是尊聞何有焉

四宜書屋

四季都宜春更宜玉輪將滿未盈時銀花不夜何曾謝
芸簡當宵耐可披

無邊風月之閣

風月清暉詎有涯安瀾小築肖陳家如因憶到海寧縣
此際欣看照漲沙

海塘北岸沙漲則工程完固近據撫臣月報海寧城東四里橋一帶沙勢

較前
增漲

涵秋堂

堂下水光凍未開不波一例淨無埃當春莫漫言秋可
可識秋從春去來

遠秀山房

戶對西山遠畢延橫屏展處秀無邊何當積素皴高下
心企占年汜勝篇

滌霞樓

霞不就樓樓滌霞樓因霞滌亦非差誰能誰所誰能所

剥盡蕉芽那是芽

綠帷舫

舫以冰凝未可航
帷遲葉佈亦艱
張却因憑檻生清會
舫意帷陰趣正長

飛睇亭

雖是假山頗葉栽
冠峯亭子暢吟哦
隅園設使飛遙睇
彼處民風溫飽麼

煙月清真樓

新月輕煙會碧虛清無比處是真如西樓今夜仍嘉夜
却笑鐙花落緒餘

采芳洲

敞軒階下俯冰池綠意紅情發尚遲莫道空來無可采
要知芳本釀於斯

燕九日作

七日華鐙放

上元節例於十三日為始
每夕放鐙至燕九日收鐙

例行未可捐下

因同衆樂上以奉

高年雖每流風避

放鐙雖例應七日設其間遇風雪亦即止今歲未曾風雪或午風而夕即

定七日皆得放鐙故云

惟殷望雪懸今宵歲節事却喜適清便

鑿冰行

立春早斯解凍早

去歲十二月二十日立春

正月中旬冰已酥湖內

挖冰不可碾薄凌又復礙行艫中人因之效其力鑿冰
中流寬而直夜寒朝仍沍片凝聚衆沖沖未休息比及
盪槳還覺艱亂流洛澤技畢殫既欲博賞既懼罪兩皆
無施笑且歎昔曾禁之爾弗已爾自取勞誰所使設以

小勤遂嘉之獻諂將更過於此輕輿遵岸原堪行豈必
沙棠始暢情為君難亦有易道其易曰在心無營心無
營乃無惡去聲愛愛喜惡怒孰窺概有事為榮古已然亦
奚足怪若人輩

春雲

春雲邇日濃祇惜聚復散望澤久經時見陰以為羨雪
乎其雨乎均佳無所揀其奈瞪發勞仍看靄隼泮畿南
及河北

京城於舊臘十六日曾經得雪茲雖盼望春膏
猶屬繼霑益善之意而保定以南及豫省河北

諸郡臘雪未霑入春待澤尤切屢
經傳詢尚缺雨雪之報倍殷翹盼
一律希

天眷于耜候已逮預愁我實慣翹首眄氤氲庶幾先集
霰

夢覺吟

祇向夢時一握手恍如昔日兩談心覺來揩拭眵餘淚
誰是而今用作霖

覺時了識都夢境夢境安知匪覺時覺夢原來非夢覺
真夢覺者果為誰

題董邦達畫楚南名勝冊

衡嶽

秩山至荆國馳驛擬嘉陵

董邦達於壬午春祭告南嶽歸程就所經山水繪冊以進

茲偶展閱因題句

七十二峯寫環八百里徵堂皇開廩柱

石廩天柱

為衡嶽五峯之二

向背列峻嶒過後知珍重慙斯免未曾

嶽麓

南嶽蜿蜒來駐足於此所用是嶽麓名羶鄉垂隆古安

得竄高峯穹碑讀神禹

峯頂有禹碑與地紀勝謂碑在岫巖峯蓋不可考今所傳惟此

耳刻

鹿原

康樂鄉中白鹿原猶聞炎帝有陵存山川萬古民三代
欲返皇初豈易言

合江

南迴鴈峯北石鼓郡城

衡州

峯

回雁

陰臨江渚石鼓對峙書

院存是為蒸湘合流所近遠形勝攬莫遺唐相風流猶
可覩我獨菁莪庠育材麟楨虛車亦無取

愚溪

冉溪號愚溪蓋自宗元始謫降守永州愛其林泉美因作八愚詩意或謂屈已趨炎附叔文明哲豈宜此此非愚而何巧文詎能洗

浯溪

浯溪浯臺唐亭占盡江山清可雖然猶有間

去聲

然次山

未能忘我

浯 浯 唐 三字皆從吾故戲及之

濂溪

思孟以來學鮮聞起衰韓愈祇能文宋生茂叔津源探
聲去道繼宣尼真偽分谿水書堂千載永吟風弄月二程
欣雖然應識躬行要詎在空傳語錄紛

九疑

天地亦有疑宇宙以來此李白雖狂言確乎其理

岳陽樓

唐時張相宋代滕守一創一脩膾炙人口巴陵雄據洞
庭俯臨氣蒸波撼緬想孟吟軺車還朝江山紀麗豈無

心哉仲淹之記

黃鶴樓

迴臨雉堞瞰江流
崔顥題詩樓上頭
太白頽而不復作
卓哉此意足千秋

題淳化軒

如翼兩廊砌帖版
茗華閱古作清供
詎希治世符黃帝

見史記
五帝紀

匪學紀年慕宋宗
屏展太湖得怪石
畫我台嶺

徙奇松他時結願
斯娛老

擬於將來八十五
歲歸政時居此

此日銘心

敢懈恭

開益軒口號

開卷應思有益人
繫辭二語切而親
知者見之謂之知
仁者見之謂之仁

綠淨榭

望林遲葉綠真是無餘淨
然綠豈終無蓄極發必勝
槎枒森庭前行見翠陰
暎而予別有會去習乃復性

含芳書屋

石徑威紆樸室探寧須大厦詡眈眈徘徊略識箇中趣
不在發揚在畜含

蹈和堂

中節和之謂人心天意同外施為達道內蘊本虛公撫
序氣舒疊乘時物向融羲經稱茂育其責在吾躬

挹泉榭

引流自牆外曲折到階前疊石因成瀑不絲亦喚絃聲
依清入聽色滌俗都蠲挹彼潦非洄注茲心潤田

理心樓

華節甫言過新正頗有暇御苑適清遊卜晝弗卜夜室

樓如暖閣

廣厦中鋪板為層
室非重樓傑構也

憩息明窓下理心向所題

心理在私化竹素具淵源繕性因抽架

養和室

陽瘴土膏方發脈凍消春水欲生波園中芳信猶遲待

天地於斯亦養和

暎清齋

迴廊通溪齋新水綠相映無風波不興解冰氣猶清喜
寬鳬已下就深魚未泳

水寒魚必就
深處為暖

清覽總生機智即

大圓鏡

若帆之閣

幾日暄和冰已開層樓倒影水之隈鳴榔到訝誰賓主

不帆

去聲

靜宜此憩陪大地一舟詎斯也東風五兩謝他

哉黃龍青雀如相問破浪曾無費往來

爽籟居

喬木之間開樸室雖饒細賴弗欣聞初春況不資延爽
莫漫東風吹去雲

耕雲堂

山堂倚苑墻墻外溪疇廣凍酥水滿町宛若江鄉況

叶

浸秧時尚早耕雲祇想像却見鱗塍上偃僂有用耩

北方

以鋤劃地而耕謂之耩

自是種麥人力田致堪獎因之益望雪臨

風意愴怳

聞畿南得雨

直隸布政使周元理奏青縣興濟一帶於正月廿
二日酉時至廿三日午時得雨六寸四野優霑秋
麥滋榮春麥亦可播種時正對春陰盼澤覽之慰
以增慙因成是什

盼雪侵為盼雨時濃陰屢作澤徒遲奏章纔隔三百里
春甸欣逢六寸滋不解對茲仍慙若更希自彼遍膏之
同雲過午重鋪厚雨雪均佳佇待施

杜瓊獅林圖

雲林橫卷手曾摹

倪瓚獅子林圖卷久入石渠寶笈上等壬午南巡曾摹寫成卷題詩留弄

園中以識名區勝蹟

放作長條見此圖曲徑脩篁皆若識蕭齋古

樹了非殊佛寧有我何留相僧達無生尚坐趺展對合
忘一切念念民飛興復之蘇

書蜀志諸葛亮永安受詔事

陳壽志諸葛不以正以奇無識注之者復值裴松之昔
曾論七擒大要言其非偶閱永安事實鄙先主私魚水
宿已喻彼此心諒知臨終令自取豈非有所疑俾亮何

為情依然失匕為晉文謫不正猶弗至若斯孫盛固致
議而未挾及微讀史無卓見被史愚則宜

河南巡撫永德奏報得雨

豫省以麥秋為重待雪尤殷乃自臘徂春河北總
未霑澤因傳諭亟詢茲永德奏省城於正月廿一
日寅時至未時密雨稠勻覩土已深四寸覽之雖
軫念稍紓然此間連日濃陰醞釀屢成虛象遠塵
尚未足慰懷而近盼之心益切矣

冬孟尺澤優

去歲十月
初九日

臘半二寸暨

臘月十
六日

爾時問畿

南雨雪均未被豫省麥為秋懸企尤座意飛章告春雨
四寸渥霑地春麥佈種資秋麥發生遂轉旋幸民蘇帡
幪謝

天賜同日正定鎮報雨三寸漬

時正定總兵張和亦奏
正月廿二日戌時至廿

三日巳時
得雨三寸

氣運似由南醞釀庶將至奈何雲屢散既慰

以為愧

山東巡撫富明安奏報得雨詩以誌慰

津門被膏澤山左繫遙情忽接一封報知霑五寸盈

富明

安秦省城於正月廿一夜至廿二日得雨五寸近省各屬亦同時霑澤

本非渴望處

山東去歲

屢被雪澤非如豫省自臘徂春雨雪愆候麥田盼望尤殷也

益覺慰懷并沃野潤千

里行將事省耕

將以二月初三日恭奉

皇太后 旨 蹕東巡

山桃

氣候今年早往年午暄邇日更薰然山南溪北凝眸處
幾簇桃花向暖妍

折取簪餅玩俶芳盆梅較不大低昂細從鼻觀領風韻

惜少微微一陣香

亦有初開亦未開最宜人處是遲回
女夷知欲啓巡蹕
先報春光御苑來

雨雪

正月廿七日

望雪侵尋為望雨雨零旋作雪花飄
初猶落地酥而化
漸即生寒積弗消灑宇層樓隱珠箔
拂林萬樹發梅條
情知潤土過三寸益善多多願更邀

雪中泛舟三首

沙棠閒漾玉花披
飄颻髮髻難自持
了識溪堂應不遠
忽然到岸訝方知

浩然世界朗如銀
豈必山陰霽色新
蹤跡略同子猷泛
不知安道定何人

同雲濃佈未輕開
翻翻掠舟萬鶴來
可惜不冰都化却
難因收起樹根培

詣

暢春園問

皇太后安遂進宮郊外覽景路便憩倚虹堂之作

華節鐙筵侍

聖慈暢春旋御敬

安咨旬餘祇似片時度分寸陰誠有所思

氣暄隨雪落隨消積素還看護麥苗已覺憑輿勝前此
更希甘雨繼茲邀

春陌煙村品玉行倚虹堂憩曉餐并又當檐桶新丹腹

欣備今冬慶典呈

每逢

聖母於此升輦

大慶年

題澄性堂

萬佛樓邊澄性堂，偶因路便憩徜徉。
冰融新水漪瀾細，雪後微風湊曉涼。
傍座梅梢漸吐綠，隔牆柳線已薰黃。
性靈物物自澄澈，那更蓮臺問幻常。

澹吟室

一池春水碧而新，料峭未生藻與蘋。
寂是不波心境處，澹然相照澹吟人。

鏡清齋

遵陸步輿進溪齋造鏡清瀑泉帶冰落池水向陽呈四
季恒為照一心可似明明因泯成見師法面前迎

餐畫軒口號

臘底年初望雪滋今來積素映心怡因知景是天然好
留白雖佳屬作為

戲題焙茶塢

焙茶豈烹茶中涓題認誤每來擎甌俟依例慣循故是
以成厭觀弗顧或竟去今番實異常水乃收積素不可

不一啜沃心愜清悟

韻琴齋

齋壓平溪倒影連
凍開溪口落飛泉
瑤琴設以相比擬
恰是春溫理大絃

抱素書屋

試問素何寔最應
無過雪書屋
雪之中素景越清絕
石態鏤冰稜
竹韻霏瓊屑
屢來訝始遇
欲去竟惜別
抱素抱於素
題額笑倒設

太液池泛舟

初生春水綠波清
六棹蘭舟送以輕
不甘日前謁爾憶
抱牀曾是碾冰行

永安

寺名

白塔矗岩堯掬手
波中若可招冰水
設還相較

量究欣漾影此為遙

黃薰岸柳綠生莎
春意舒遲覺漸多
漫惜新花猶未發
雪英纈樹匪梅何

蒼雲縹緲望瀛臺
分付吟情俟再來
登岸合教還紫禁

封章應有待批裁

凡駕行之日雖無輪班引見之員而各省督撫奏摺仍即以時批發

二月朔日作

國章重


祭神大祭必躬親

常以春秋仲月行大祭禮

致敬還清禁對時屆

仲春勅幾敢有忽厯久倍惟寅雪後生微冷虞妨舉趾

人



御製詩三集卷九十四

欽定四庫全書

集部

御製詩三集卷九十五

六

詳校官侍郎

臣謝墉

助教

臣常循覆勘

總校官原任中允

臣王燕緒

校對官中書

臣潘奕雋

謄錄監生

臣牟焜

欽定四庫全書

御製詩三集卷九十五

古今體一百十二首

辛卯三

恭奉

皇太后巡幸山東啓程之作

有序

悉新篇啓牘

八旬上壽之懽
冒節約旋叶二月東巡之候
維此岱封壤接自燕南趙北
以揚舲詎如江國途紆踰楚尾

吳頭而置頤用是仰承

懿旨升香詣

太乙靈祠因之俯順輿情効駕稽齊州茂典念表鎮
之名區宜葺頤緡不費官司嗤禪封之陋轍胥捐
祝

嘏惟勤方望

安輿福懋羣黎自徧蒙庥行館

和頤長吏當先從儉蹕路祇循汎埽藥垣均斥雕幾日

觀自千盤不必梯空懸寸鈞雲亭仍數字何須闢
地構重楹既祛駭權之繁文還禁鄰壇之遠涉瞻
高山景行而增慕登

堂已隔九期守遺編崇則以持躬奠郊殷申一惴老

幼聲騰

萬歲呼山吉語卜延

禧助休巡紀三春觀海為言無寫志重資詩卷首訂郵
籤

圖養

高年罷遠巡慮違

懿旨欲誠申

乙酉南巡旋蹕江浙督撫等即以再屆迎
鑾為請面諭以聖母慈壽漸高南中

道遠無庸汲汲預備及聞東巡在即復具摺力申前請仍有旨弗允
因知山左猶為近況

悉

體和倍有神

闕里九年承祭濶岱宗頻陟

逮此次泰山凡三登矣
祝

釐寅吉行南苑駐稱便三宿欣當

御鳳輪

萬壽寺

古寺枕河干，駐輿傳曉餐。
本來戒身逸，誰與覓心安。
松竹自瀟灑，軒樓逮腹丹。
今冬

慶典近，規畫意誠歡。

駐蹕新衙門行宮作

行宮向平楚，駐蹕頗稱便。
獨坐斯幾暇，相違忽四年。
梅榛新景物，風月舊詩篇。
結習原思去，笑惟此未蠲。

古秀亭

額是今名亭古秀名雖今額亦多年庭中喬木不知古
老榦槎枒影漸遷

陶春室

逐處有書幃餘閒適靜依窓明因坐久題少以來稀盆
祇薰紅瘦庭遲漲綠肥甄陶春意始猶勝賞芳菲

澹思書屋

書屋芸編此重去聲披片時坐忽自成嗤適纔馳射平原

者豈合於斯言澹思

裕性軒有感

憶昔此文軒獵餘故課溫那稱梨棗讓相勗禮詩敦淑
景今朝又流陰逝水翻偶然思話舊却復向誰言

暮景

暮景遠蒼然行宮憩息便坐來如向日因以憶流年鼎
引寒灰篆檠明繼照蓮春雲低四字便望雨公田

春蒐

春蒐詎是蒐路便小清遊弗為

去聲

取多獸聊因試駿騮

鞍輕身覺重弓燥手非柔枚乘傳七發分明謂我不

自去秋木蘭迴蹕不乘馬持弓矢者數月茲路便小
獵覺人馬不相習未數射而力已倦宴安酖毒古人
所以為戒也

南紅門行宮作

頃移不卅里而近一就行宮一憩

慈便亦平原試小獵到猶桑野未中時非他綴景還如

畫無別怡情間去聲賦詩臺迴涼鷹張武帳奉

觀殪虎博

顏怡

題暢遠襟軒

古屋額題暢遠襟豈非墻宇豈山林靜觀略悟其中趣
不在境由來在心

射虎行

虎圈養虎林丞守官家備物無不有飼以久徒費以多

殪之每試飲飛手南苑殪虎宜何處往例瞭鷹臺陳旅
虎鎗比肩立周陞於菟欲避無去所出柙莫問誰之過
曳尾那有猛風作檻中積威約致然馬遷語固非虛播
彎弧偶亦射斃之比孱兔耳何足奇木蘭昔乃真射耳
乙亥秋木蘭行圍虞人報有虎率虎鎗擊刺虎忽逸出
衆莫敢攖其日有厄魯持新附者來觀因馳安吉驄追
及之壹簇而殪曾憶子布言今弗為
作射虎行紀其事

南紅門外

兩朝小獵駐行宮咫尺原如御苑同今日輕輿真就道

南紅門外送羣工

迤邐煙郊棗栗稠小民生計自為謀
地方大吏來迎駕先問潦鄉安妥不

沙岡蕪野敞而平亦有縱橫兔跡行
曾是少年馳獵處

南紅門外亦有獵場方春生長上聲罷虞旌

采育里

京南富庶村厥名采育里輕輿村外過
老幼路旁跪去歲此被潦謂當艱窘矣
審視無采色衣暖面多喜急賑

及大賑加賑二月裏有司善推行想皆實澤被叶然未
經見者正復不少耳

武清縣行館作

潞水上源春令淺御舟體大送浮難酌中因致為行館
信宿緣圖奉

大安

潞河向多沙淤春時水淺舟行尤滯地方大吏因
於適中之武清縣桐柏村移天津楊惠莊行宮舊

材葺治行館一區供

慈駕安憩次日登舟既於
高年順養為宜而移建亦不致繁費遂聽之然究不

免稍需工作即以所省水營三
處應銷官值費之俾資其用
固不可同成不說於斯

頗覺憩斯寬有亭有閣則何必率為去聲慊然鮮為歡

過武清縣

驅車過雖奴廣甸甚沮洳去歲夏行潦此地被災遽永

定既決堤

永定河北岸二工因去夏雨水驟漲隄口潰決武清村莊被淹成災較重

北運亦

漫淤

北運河西岸漫溢武清亦被淹浸因勅大吏善為撫卹急賑大賑視他處為優今春仍降旨加賑幸

所見民無菜色且二麥廣種可望有收意為稍慰

大田普無收曷以卒歲度是

用賑濟施更勅勤宣布今來細體察老幼歡夾路庶幾免流離未見仍廩慮秋麥亦已茁禾黍云種佈設以此

地論懼雨宜晴煦雖然彼高田寧無望雨處

至寶稼營登安福艦作

避淺因教陸路遵就深御艇候河濱水營制斥過於昔
水營向用葦席為牆此次楊廷璋所備於席外罩以黃
布取民間衣被之需耗費無用未能善體省方觀民之
意因諭前途槩行撤去並恐山東聞風效尤亦命屏除
之又水營內添設板房數楹費而無當向於御舟辦事
召對甚為便適奚藉此贅設為且屢經傳諭勿稍踵事
增華亦不應復有此舉又未預為奏聞因降旨申飭
寶稼名欣祝自春木榻筠窓意以慣雲容波態景從新
萬民安實一人福敢傲一人勞萬民

即事

筐兒港迤北流沙數處淺春月水致艱大舟滯動轉故
用就深處避淺三程展人知淺之害未知淺之善是河
無牕壩流沙為之限設非此停蓄一往水存鮮通漕賴
乎茲一弊一利顯

北倉

北倉建津北

皇考恤民意

雍正二年 皇考命於天津北建倉四
十八座截留漕粟以備撲運賑借自後每

遇辦賑貧民得早需實
惠誠萬年 至計也留漕利轉輸遇灾便賑濟四十

餘年來黎元普受惠頗有持籌者細為去聲天庾計截此

彼或虛久長恐有弊傳曰百姓足君孰不足致寄語後之人慎勿動浮議

南倉

南倉空有名實無廩庾覩方輿稱明建以備海運貯海

運創巴顏

史作伯顏 今訂正

陳瑄繼其武

明總督

建倉尹兒濟史

典猶堪數冒險豈長策中道廢乖遲即今南北漕歲歲

輸天府行之誠在人微倖非所取

賜直隸總督楊廷璋

保釐久是頻授鉞矍鑠寧輸此據鞍方伯首稱繁且鉅

前人賢者繼為難

前督方觀承在直隸二十年於畿輔吏治民情實為幹練楊廷璋以數歷

老成代任受事濟美斯難

邊防雖不事驚禦

明代以京師迤北號稱嚴疆設立三邊總制日

事脩築邊牆徵調戍防者殆無寧晷今時際重熙民安吏肅皆一總督靜鎮之地耳

河務要當期

乂安

永定河舊有專司總河後以督臣調度較便因令兼司河務

昨歲畿南經夏潦

賑賙莫惜寸心殫

望海寺

寺建海河上初來自丁亥去歲再臨茲轉眼復一載海
去此尚遙溯河得望海大士泯分別如是觀自在斯行
為去聲巡齊匪為津風採便道成小憩遂命維舟解柳野

天津行
宮名

若有溪分付迴鑾待

策馬過天津府城

御舸艤河濱花宮禮法輪鳴鞭循陸路露冕閱城閨警
蹕斥七萃就瞻任萬民所慙有何德到處篤尊親

芥園閱減水壩工

昨歲夏霖行章武灾實甚不惟害禾稼室廬敗堪懔異
漲已屯城吾民那安枕賑恤救一時長策固應審方伯

計疏消其議不可寢具圖誌工處

去夏天津雨水過多
南運河漲溢浸及田

廬楊廷璋今議於河南岸建減水石壩一座以備宣洩
盛漲並穿引河八千餘丈接濬舊渠導歸海河又築隄
二千九百餘丈以衛城繪圖列說俟取進止
茲親臨相視覺猶近城命詳勘俟迴鑾再定先事豫防

諭歷覽期合宜詳勘尚懃恁代賑利以工憂民善體朕

靜海道中襍詠

昨日溯游今溯洄

自天津以北為順流天津以南為逆流

北南通漕意佳

哉黃衣莫怨行舟慢

古稱挈御舟者為黃頭今則黃衣無袖以代黃帽云

指日順

流由此迴

村居比櫛頗寧盈柳口由來古渡名不見青青楊柳色

蔣一葵長安客話云楊柳青近丁字沽四面多植楊柳今其地既無柳且丁字沽在天津城北楊柳青在天津縣西三十里相距甚遠柳之有無或今昔異形而沽則歷久未改紀載之不足憑往往如此

阿誰折

贈寄遙情

當城沙磧遞經過宋畏遼金防沙河

見方輿紀要

似此屯兵

嚴守禦爾時百姓竟如何

遇君封國兩無涉西陝東齊詎此哉誌乘不知何所據

太公乃有釣魚臺

迤邐三窪緣蓄水

中堂窪跨天津靜海滄州界又北堂窪屬天津南堂窪屬滄州三窪周數

百里即宋史三堂濼舊為黃河所注今河改而濼亦塞惟資居民蒲葦之利並不能容蓄積潦矣

及逢

霖雨潦原行救民自古乏長策盡力補偏要以誠

行程原是指東南舟首時還西北探河勢不由人意定

制宜因地有名談

岸旁拽緯走河兵船上鳴鑼催緯行省已力因彼成事
萬般都可悉人情

銀牌齋賜老年翁夾岍歡呼拜下風禁止無端相攘攬
所至迎鑾之者年翁嫗俱賜以養老銀牌今日岸施恩
旁間有奪老人之賜者則非禮矣因亦飭禁之
教亦寓其中

山東巡撫富明安復報得雨

早稱霑五寸

正月廿五日奏至

復報尺將盈

二月初七日富明安奏省城及近省

各屬復得甘霖密灑入土尤深繼以風日晴和麥苗暢茂
已慶麥年潤繼欣風日晴

近遙均告被禾黍普堪耕稠疊蒙

天澤前途喜氣迎

月

仲月逮上弦川夕湊澄景舟艤潏漾間人疑廣寒鏡閃
波斷却連晶光峭猶冷御園豈不泛無過湖山等片時
即歸棹清夜那伴永淦淦宛相親朗朗斯益靜眠遲亦
何妨恰合宵衣省

雁

未見高飛太液池却逢斜寫碧天涯愛成人字曾何謂
每曰傳書詎有之沙塞徃來惟性適水鄉點綴得卿宜
磬磬設擬周詩詠澤鹵灾餘特切思

賜致仕大學士陳宏謀

中外勤宣歷久頻遂教黃閣預絲綸老成允冀恒贊政
疾病不期近迫身豈弗惜離留未可寔憐言去戀猶真
粵西天末相望遠祝爾平安歸里人

命免天津府及順天府所屬積欠詩以誌事

休助古有云懷保今所勉昨歲此地灾賑期均徧叶

巡方茲目覩幸遭溝壑轉然未經見多加惠詎宜緩兩

府界壤連受沴苦弗淺三州

薊霸滄

及八縣

寶坻寧河永清天津青靜

海鹽山慶雲

舊欠概與免

以上各州縣因灾借欠穀五萬七千餘石又天津一縣常借未完穀

三千六百餘石概與蠲除俾免追呼之擾而經由之東安交河景州東光節年因灾借欠穀石亦並蠲之用均

愷武清獨無欠豈不向隅歎

叶

蠲供十之五

武清去歲被灾最重

而向無積欠未得一體沾恩因特免本年地丁十分_{之五}視經過免賦十三之常例加厚恤且旌焉

旌良善麥收倘得豐庶少濟屯蹇是惟賴

天恩非吾力能辦

叶

舟過峭帆亭戲詠

虛亭若翼枕河濱舊蹟蘆臺紀創新句訥陸游真作者

陸游句小孤山畔峭帆風詩題張斛定何人

亭有張斛題五言詩一律見於元好問中州集

止載為金朝人亦不詳其實那稱考古志書博祇愛覲光民意親却

是黃頭善持重收帆催緯弗名循

閱興濟減水閘議改為壩命侍郎裘曰修至其地

與總督楊廷璋藩司周元理會勘集議詩以示

意

青縣興濟開緣減運河水中流行御艦高出見閘底去

歲夏霖盛率已洩由此其奈至津城猶餘二百里更無

殺去聲漲處潦行乃所以因之圖再減芥園請示指楊廷璋因

去夏運河漲溢浸及田廬而自興濟以下二百餘里更

無減水之處議於天津城西之芥園左近建減水壩一

以洩運河盛漲昨親莅相視以其地逼近津城命於意

上游另擇善地施工候回鑒再行閱定曾紀以詩

欲稍移南迴蹕當細揣而此底實高閘牆亦雍蔽叶况

茲足浮送無慮轉漕滯叶擬易閘為壩更低尺以幾減

之以其漸緩急庶可恃然未能自信博議命詳視

策馬過滄州城

艤舟策馬過長蘆為

去聲

便民瞻近蹕途轡後鞭前任隨

走老扶幼挈盡歡呼似忘去歲逢灾彼更座中宵憫瘼
吾庶矣富之猶未得教之一字易言乎

過朗吟樓因題句

何代經過

平聲

回道人千鍾滄酒醉河濱

滄州志有一道士自號彭蠡主

人索滄酒千餘斗飲竟乘鶴而去後人構樓肖吕仙像以奉之名曰朗吟蓋取吕詩朗吟飛過洞庭湖意也

洞庭渤海豈殊地古往今來不異春却笑重儻此奚必
欲求一實亦無因幾行雁字飛鳴過鶴駕然歟向孰詢

閱捷地減水閘

既云減水閘非宜興濟將仍例視之

昨閱興濟閘以減水宜改用壩並宜

落低數尺俾河流隨時宣洩捷地亦當一律改建庶兩壩暢消下游不致受漲潦之患然亦未能自信為必屬可行因命裘曰修至其地會楊廷璋周元理詳勘集議以聞候回鑒再為閱定審勘更教同衆
議諸凡毋必詎惟斯

衛河漲欲減其盈歧口引流入渤瀛此地由來稱便捷

豈因避字浪更

平聲名

是處方輿續紀稱舊名絕堤後易今名夫絕堤者絕堤而出義蓋有

取即云捷地亦因其引流便捷入海迅速耳豈謂避字而更之乎然兩名皆不知始自何時亦無可考矣

捷地相連興濟閘總圖一再減洪波猶然去歲潦章武

蒿目民艱竟若何

往返無過數武移亭軒備憩信何為

河岸艤舟閱工至為近便地方大吏

乃於岸旁構備亭軒糜費無益實所不取因弗憩而過

竟當弗顧登舟去俾悉吾

心不在茲

侍郎曹秀先遣祭周尹吉甫墓回召見請題詩以

表之因成是什

表閭旌淑重時巡古墓遣官例致禋為

去聲

請七言用彰

德遐思千載率馳神剛柔還以山甫勗孝友惟應張仲

倫虛說長年尚餘樹

樂史寰宇記載墓有樹二株柯條鬱茂不覺其老俗呼長年樹詢之

曹秀先今無有矣清風永世屬斯人

化城寺得四絕句

龍堂雁閣倚河濱欲到微微梵唄聞

地方官集僧衆於此建壇祝釐

肅謁既因祝

介社虔瞻兼得仰

奎文

化城寺
所賜扁額今懸廟

皇祖

花宮波影亘長隄檀施

去聲

當年事莫稽

康熙

三十八年
皇祖南巡

經臨此寺適寺僧龍望募脩寺閣蒙
以成善果見於寺中碑記亦無由考其真偽也

賜金

便是化

城真現此亦惟楊葉止兒啼

南巡返蹕率遵陸

四次南巡至直隸境皆由
景州陸程迴蹕從未經此

艤岸曾無

禮法筵碑撫戊辰方伯記

寺中有戊辰年直隸總督那
蘇圖重脩碑記是歲因孝

賢皇后之事曾
經此舟過未上

不堪往事憶酸然

三間樸室近僧庵云是

仁皇此駐驂拓置亭軒列花石

寺有

皇祖總字三

增綴亭軒花石侵費物力而僅供一過無謂甚矣

難推未曉益增慙

麥色

麥色南來日日添平鋪夾岸入吟拈青黃待接五月熟

老幼偏迎萬姓瞻蹂躪明看真可惜禁訶又礙槩從嚴

岸旁萬衆迎鑾隨舟趨進多有踐及麥苗者雖止之弗顧然黎庶愛戴之誠又難嚴斥也民情農計

均吾要衡量誠難兩得兼

暖

地勢南而北春月孟以仲均為漸就暖况值晴暘烘水
風渾不寒淑景宛堪弄柳隄綠向新杏埭紅欲重細毳
率已換豐毛都弗用日日鷁首坐為便覲光衆舉趾斯
時哉莫誤勤耕種

行舟四詠

行舟之具多矣而櫓柁帆緯四者為最要今挈御
舟者惟恃緯而三者均弗資雖持重之意也然藉

人力以省已勞亦有可笑者焉作四詠以識其概
而人之情偽亦率可見云

櫓

行舟有賴櫓催梢棹且弗施櫓更拋

釋名在旁曰櫓櫓
櫓也用力然後

舟行今有催梢櫓較在旁者
更疾又俗云一櫓當三棹

那得微吟和嘔啞

用蘇軾
句意

旁觀袖手古曾嘲

舵

周旋規中

去聲

折旋矩操縱由來在舵工首領持篙都占

去却御舟前立首領官持篙左右正船舵工不得
聲去施其技及至遇灣轉難行處仍賴舵正之
那論

元氣與微風
仲長統詩云元氣為舟微風為舵

帆

川塗宛轉風作息總是收帆不肯張

挈舟者總以張帆為懼不云風弗順

即云路弗直夫相風駛颿亦在人為耳
然其持重之意則可取亦無容深恠焉
安得順風且直
路平平俾爾走中央

緯

前艇鳴鑼後艇應

御舟鳴鑼所以催緯行也

鎬鎬催緯速前行河兵

凡拽絆者皆河
兵事畢費之

肩獎足還廬黃帽安然到水營

入山東境

一水溯洄不易船送迎兩地畫疆連所欣親愛來老幼
略厭繁華事管絃山左輿情五年隔江南衆望片時牽
省耕展義吾惟切行有絲綸沛惠鮮

花朝作歌

燕北花朝花鮮開江南花朝花太盛太盛乃為謝之機
鮮開亦覺乖即令今朝舟行入齊地南北之間執中正

女夷真復有神權甚斟酌穠纖賦品命

花經凡花皆有品命如杏四品六命

海棠六品四命之類

沿隄綠柳舞偏柔繞塢紅桃裝始靚香風微

拂水面來畫意時向船窓映船窓水面一憑觀恰喜韶

光在明鏡調御丈夫涅槃日

出般涅槃經

是為常樂是我淨

見涅槃經聖人四倒

閱哨馬營減水壩

詰曉輕輿遵大隄隄工要處欲勤稽壩開哨馬洩漲夏

川導鉤盤防勃溪不壅以宣功異北

河東岸為滾壩三十丈宣洩甚暢視

直隸之興濟捷地置閘節蓄者殊為妥善當春流淺少
時壩面出水尚三尺餘一遇夏秋漲潦遂致滿漕雖一
再洩之而猶時有泛溢之患
由河而海受役西即今出

河防疏宣長策豈易言哉
水計數尺疏潦良方望若迷

德州行宮三疊舊作韻

運河舫命先南上

駐德州即由陸程幸泰山詣曲阜因
命移所用舟船溯運河而南預艤濟

寧回鑾時則由彼登
舟循水程徑抵津潞陸路由茲將啓程

安輦吉行春日暖樸齋

豫養早年成窓舍靜影庭柯直座噴清芬盆卉榮大小

來迎守土吏傳宣次第問民情

六依

皇祖德州即事詩韻

朱雀溯流上青齊入境初行宮駐德棣幾暇便觀書
宮墻心久儀芹帛躬申肅入疆驗民風所幸多安燠

題行宮舊寫梅花詩扇三疊前韻

簔頭展以四

自丁丑初寫梅
枝逮茲凡四

韻脚疊斯三盈手香風拂

端宜置硯南

駐蹕德州示山東大小吏再疊舊作韻

德水行宮復憩居賦詩言志尚聽予小廉大法勉敦實

守潔政勤戒涉虛中稔應籌餘一矣偏灾莫忘去聲向隅

如東省去歲各屬多報有收惟長清等二十四州縣瀕
如河窪地六月間雨水稍多低田間有被淹之處雖不
致成灾普賑亦勅查勘入疆所重惟民事舉要其他可
分別撫恤或酌借麥本

例諸

命賞給昨歲山東被灾四縣籽種牛具銀詩以誌

事

齊東昨歲縱偏灾豈乏窮民望幸來春借雖然成例與

秋償依舊受追催

齊河禹城茌平莘縣去年被水較重富明安請按畝借給籽種牛具銀各

一錢第借項應償民間猶有追呼之事因降旨如數賞與免其徵還俾耕作有資窮簷得霑實惠 普教

賜值資耕作俾得及時闢草萊更或未經聞見者疇咨

施澤以斯推

繁露臺

德州城南門樓曰廣川樓亦曰繁露臺即漢董仲

舒故里東巡經此詩以詠之

百廿三篇著異聞城南因是有臺云天人三策真平正

繁露雖佳屬費文

繁露中如清明竹林祈晴請雨之類豈如三策平正為萬世帝王之法哉

降旨免山東各屬節年因灾借欠常平穀及東平

灾緩丁賦詩以紀事

入疆施惠重巡方借欠因灾愍益傷倉穀既陳應與逭

各屬自乾隆二十八年至三十四年未完因灾出借常平穀四萬九千二百餘石概予豁免

丁銀雖

少免教償

乾隆三十四年東平州及所未完灾緩地丁銀四千八百餘兩亦並蠲之

即看愛

戴羣情切寧忍飢寒一介忘咨爾牧民大小吏施行詳

妥尚其覆

題王炳畫水村春色卷用舊題句韻

古寺僧房悟色空
那論雲淡與煙濛
拈吟却值行齋暇
展看因攜束篋中
為繾吳江千里隔
况臨德水一舟通
偶然祇可飛遙興
正務巡方在振窮

曉發德州道中即景雜詠

今日行程八十里
恐增建置略從遙

自德州至晏子祠舊行館設以行五

六十里計則途間當置兩行館今於適中祇建一行館所以省費也

記云凡事豫則立宜

是輕輿簇詰朝

東方漸見昀昕明
倏忽曦輪樹杪橫
迴望德州未廿里
果然駒影迅人行

南來越見麥田多
芄露芊煙綠穎娑
僕從雖嚴禁蹂躪

其如民衆轉難訶

巡蹕所至嚴禁僕從踐踏麥禾而迎鑿萬姓趨擁就瞻雖麥苗在地蹴之

弗顧却之亦弗止也

綠楊紅杏近清明

是日為清明前二日

野店芳衢畫裏行
塵土不

妨隨踏起
寂難得者是民情

駐平原行館即事

繹幕由來張幕營

南巡四次經此皆駐行營地方大吏

間程構樸宇穀楹適

寧憇因聽之

居然行館看新成且欣樸素無飾

目持便

憇留有愜情到以午前非甚遠

路程稱是日八十一里因恐聖母乘輦微

勞預傳次日停蹕以使既到營尚在午前殊無八十里也

息養駐將日繼慢兼程昨在

德州亦停蹕一日

甌香研淨幾餘暇即事拈吟靜賞并

再降旨免濟南等六府屬新舊借欠麥本銀並成

是什

施恩一再不妨周尚或遺乎仔細求六府咨詢欠均有

歷年久近豁從優

昨已降旨將齊河禹城茌平莘縣上年被水較重之區按畝賞借籽種牛

具銀各一錢免其徵還以裕民力茲查濟南武定二府屬乾隆三十三年一兩年未完麥本銀五千八百餘兩又濟南武定兗州曹州東昌青州六府屬去歲因灾借欠麥本銀九萬八千餘兩全予蠲免俾惠澤普周閭閻生計益寬其逋項何憂債勉爾春耕以待秋夾路青青資饒裕

茁茁好顯希麥浪拍歸舟

題醇和堂

既有堂斯宜有名醇和欲以驗民情民情仍自吾心始
保赤惟殷一念誠

錢陳羣奏進所書登岱祝

釐頌及御製詩文并賡韻詩冊至因成是什書以賜之
平原此日巡方駐秀水多時奏牘欽萬有言餘親手寫
三千里外故人心可知食履益康健具見

頌揚篤悃忱冬月定當重晤面

陳羣於今冬來京恭祝
聖母萬壽當與之

親面談詩
以慰春懷健談興自勃知音

於平原作

趙地雖稱廣幅員平原已在極東邊封君仍用國中事
名正於斯未信然

辛未春過平原曾為平原行詠趙勝事茲考史記平
原君傳勝封於東武城其地為今東昌府之武城縣
東距平原雖不及三十里然漢書地理志平原郡止
云高帝置屬青州而馬端臨文獻通考於德州注云
戰國屬齊平原乃其所領則平原是齊地而非趙邑

況左傳稱齊之封履西至于河大河在平原之西趙之東偏雖廣安得越河而兼有齊地乎復考春申君傳張守節正義云四君封邑檢皆不獲惟平原有地又非趙境是平原乃當日封號而非實有其邑猶廉頗之為信平樂乘之為武襄也且勝為趙相治國事東武城特其食邑亦如田文之封薛然孟嘗罷相嘗至於薛若勝則始終未出趙都本傳具在不聞有居武城事何況平原志乘於平原直指為勝封邑傳會

失考不足為據則前詩謂之假借命篇猶可若舉以屬趙將以辭害意懼夫泥而滋惑也因復經平原申其義而為之辨

停蹕

停蹕臨行館春風二月天

高年娛息養佳景挹清妍墻外綠楊弱階前紅蘓鮮居

閒當勅政召對細掄賢

山東文武員弁有應送部引見者經河撫諸臣奏聞即日命於

行館籤

名列對

題姚綬江南春雨卷

携來畫笈及書函
清供秘抽與靜探
看到竹溪春雨意
無端飛興大江南

齊河道中作

杏村柳墅望相連
那有茅檐說禁煙

是日清明前一日
寒食節也

古

制艱行今久矣
因時為要詎斯然

兩行塋疊蹕塗寬
接駕踵連來廢官
我固惜材亦察政

蹟存部冊更詳看

沿途接駕廢員
絡驛而來其中固
無可以棄瑕復用
者然尚須付部核

其原案事實再為分別甄錄於愛
惜人才之中仍寓釐察官方之意

遍野青青秋麥萌扶犁亦見有新耕斯吾第一關心處
豈是尋花問柳行

齊河縣行館疊乙酉詩韻

舊經行館此臨居夾路民瞻擁翠輿一食一衣都塵彼
曰教平聲曰養總慙予到來尋往宛相識餘暇拈吟便以
書昔韻重賡六年閱分陰怪底惜居諸

題晏子祠

祝阿行館按程留晏子祠邊往事搜祇有空言匹管相
並無實政贊齊侯一匡殊譽宣尼魯為顧偏輕孟氏鄒
合傳龍門無論仲大違孔子意尊周

晏嬰政蹟遠不如管仲而司馬遷為之作合傳蓋羨
嬰之救石父而已陷罪無人救也向題晏子祠曾論
之茲不複論獨遷謂管仲相桓公不勉之至王乃稱
霸以此孔子小之而張守節正義亦以是為言審如
是則是孔子願齊桓之稱王將置周王於何地豈作

春秋尊周大一統之義乎管仲器小朱注寔得其正
然未斥司馬遷之非故並及之

清明

清明先

去聲

三月

清明為三月節立春
早故二月即清明

節氣早太宗正是

農興候端宜馬上逢綠深麥苗蔚黃入菜花濃北望偏
多感山雲倩爾封

五依

皇祖南巡過濟南韻

煙樹蒼茫隱郡城，非關不入路嫌生。
六旬偏切齊眉恨，卅里那須除道平。
稔後幸無溝壑轉，望中欣率室家盈。
春風倩爾知人意，掃盡胸間結習橫。

長清縣行館作

新舊間

去聲行館撫臣富明安以

駐鑾後息養為宜，因於舊有行館。

外間程添構樸宇數楹以供

安憩

憩圖

慈體娛費多，仍廬彼樸尚實欣。
吾詎祇寬容，膝雅宜吟。

撚鬚明朝玉符宿清夢到仙都

夕

農忌清明風風幸停卓午或不為厲階卜度意猶苦何
地非吾民何民弗資稼叶傍晚日輪韜彌望空塵土土
澄夕蒼然春雲佈四字致我重生希崇朝庶幾雨

題姚文瀚倣清明上河圖用舊題沈德潛所進張
擇端清明易簡圖韻

不為易簡為難繁清明圖創張擇端舜舉標名曰易簡

義經獨聞精微關藝林作者不勝數

上聲

誰能直造閭吳

班寸馬豆人各曲肖其間仍有城市攢斯更閭吳所未
逮竒蹟迄今六百年爾時強鄰接疆域燕趙一帶甘虛
擲曾無宵旰謀奠安還求培植克肆噬螫君臣恣樂賞韶
春可憐華袞被鬼蜮誰知鐵騎渡河過艮嶽崔巍沒荆
棘或現或隱互流傳丁甲呵護終難匿詩人奏進石渠
內展觀結構真純粹因教畫苑畢倣摹如從花譜掄姚
魏攜來行笥便披閱二月東巡近瞻泰比張縮小益見

能

此卷較擇端原本尺幅縱橫倍減而臨摹畢肖人物益小尤見精能

即景佳節逢清明

却惜歸愚此莫悉

歸愚德潛號也

獨翦吟檠敲興逸

憩崗山傳餐因而有作

行久平原此入山停輿恰趁一時閒何來幾架山房見

不為

去聲怡顏為忺顏

崗山原屬昔常過絕頂仙宮棲爰我

上舊有碧霞元君廟瞬息六

年何所異綠叢雲隱絳垣多

一問亭與兩間樓咫尺峯容望裏收樸斲亦知無大費

惜他終屬費人脩

片刻傳餐復就途那因佳處久耽娛何當此意未喻衆

猶見爾為每慚去聲吾

饅榆錢餅歌

清明至矣榆生錢孔方雖異堪佐餐楚辭粃粃所未見
救飢而有義可憐大官六膳無不備淪水蒸糖粃餅餌
想彼草根樹皮為食人安知沁齒芳甘如此事偶然舉
箸緣嘗新弗欣以愧言出衷腸真一飯不忘君乃臣之

道吾謂為君者還當一飯不忘民

靈巖寺西入石路四用唐劉長卿韻二首

忽吟遺集句難覓斷碑苔俊逸昔五字巡遊今四回齊
郊突平起岱嶽秀分來山寺東猶遠石蹊西向開春蕪
自為吐古樹是誰栽放眼青天外芥舟斯膠去聲杯

此路行原慣前蹤想印苔泉源碧波落樹杪白雲回法

侶故居在詩人訪友來

長卿詩因過法
崇禪師故居作

老兵呼宋得邑

尉譖吳

仲孺

開運否天難問才多禍自栽和惟慚覆甕玷

那擬瓊杯

靈巖寺三疊前韻

難窮匣玉藏符玉

即方山事又
名玉符山

且置南靈

謂吳中
靈巖

禮北

靈千載松仍籠古殿一溪水自繞巖亭閒雲不繫心同
淡法乳無根性與渟山鳥山花解傳偈何妨色色復形
形

靈巖寺禮佛作

紳衿處處設經壇祝

嘏同欽是所歡
絞縛黃棚稱茂慶
便宜白社得施檀
泉

因卓錫春猶噴
松為

去聲

取經東向攢

二景皆在寺中

安輦奉行益

康健瑞徵彤史得希看

駐蹕方山三疊前韻

山兩巖雙似契符

上元有方山吳縣有靈巖

不妨隨處供

去聲

巡娛助

休一例皆塵念
疆界何須定
執區行館無過信
宿耳層

嵐有待詠歌乎詠歌亦祇消幾暇
察吏安民是本圖

夕

風喜宿山中山中氣真靜涼生松下風曦隱谷上嶺萬
樹忽蒼蒼一水猶泅泅泅泅望復失夜齋書檠炳芸編
有至趣何謂無人領

曉

山鳥噪瓦簷却識山將曉寧藉自鳴鐘偷天炫人巧吾
已覺眠晏內侍謂起早停蹕復無事何不睡以飽去去
非汝知吾有吾之道

登玉符最高處

玉符高處未恒登茲以停蹕餘幾暇肩輿迤邐梯青雲
十步一憩依松架戢翳掩溘莫得辨亦有畝平厓屨下
可公牀與白雲洞時見微泉滴石罅北穴一線弗易入
細磴行蹤光却研其中或住地行仙擬欲問之轉復罷
更進乃造功德頂石鑿相好非虛借把筆拈吟那可得
心凝形釋泯萬化是宜原付可公輩與木石居此結夏
返吾行館勤吾政道不同焉不相假

四題靈巖八景

巢鶴巖

胎仙來去本無心何繫開山便駐林
以此因緣為瑞相釋迦迦葉笑難禁

甘露亭

四柱虛亭俯石泉法王甘露法如然
所欣恒在山中住不向人間詡瑞編

卓錫泉

清蹕方山復此過高僧往事憶如何尋常消得石勒拜
卓錫於茲又作麼

摩頂松

是栢謂松松攘栢謂松非栢栢成松是非稱謂誠何定
一笑真教辨莫從

摩頂松本栢也而皆謂之松向曾圖其形並放歌紀
事

鐵袈裟

祖衣作鐵底須驚七字因之為定評當是鑄鐘昔未就
袈裟略似故傳名

袈裟以形似得名撫視之鐵模宛然蓋鑄鐘而未成
者或以為石誤也

白雲洞

絕頂峇堯趣轉奇忽然北洞穴巖披春雲每自封中出
訝是畫家留白為

雨花巖

未見飛空天女散落來巖際盡天花似羸梵帙相問答
豈默然時便不差

愛山樓

行館依山更有樓偶然拾級暢吟眸峯姿頗態尋常好
不及春耕意所留

御製詩三集卷九十五